

欽定剿平三省邪匪方略

正編

十

卷之五

五

+

欽定剿平三省邪匪方略正編卷十三

丙辰年

七月初一日

甲辰

上命軍機大臣傳諭福寧觀成曰孫士毅患病沉重

福寧既知親來視疾自應一面將孫士毅送回平

塊移駐紅巖堡軍營一面將川督印篆接署安撫

闔營兵將鼓勵新到土兵再行檄催觀成速來會

合諸神保以爲夾攻旗鼓寨之計乃計不出此祇

知料理孫士毅起身而於軍旅之事全無調度初
不料其拘泥糊塗竟至如此著傳旨嚴行申飭福
寧現在紅巖堡駐劄彈壓已令接署川督印務卽
將新到土兵傳旨各賞一月鹽菜口糧並鼓勵將
弁兵勇會合觀成諸神保將旗鼓寨夾擊蕩平再
合兵向北將長陽巴東一帶賊匪殲淨並著傳諭
觀成英善諸神保林儁等無論在省在營一體不

分畛域幫同福寧照料再向隨孫士毅帶兵將領
內於孫士毅疾劇時如有統率闔營料理一切之
人並著福寧等會同詳查指名奏聞候旨獎敘

初三日丙午明亮奏言臣於二十一日趕赴孝感

所屬之楊店驛興漢鎮總兵德光亦帶兵先後
齊集探訪賊匪俱屯聚胡家砦等處臣隨親領

總兵德光副將九十百祥明安占并巴圖魯侍

衛等前往賊巢臨近之漣川舖細看賊巢前有
小河一道後背山崗餘俱低窪水田賊人因得
負險自固以致我兵兩次未能得手查賊巢西
離縣城三十五里兵勇設卡嚴密毋虞奔突南
北兩路亦嚴兵堵禦惟楊店在賊巢之東相距
祇十五里爲驛站大道賊匪聞臣統兵將到希
圖竄逸於十七十八二十等日屢撲楊店之四

里廟木卡經健銳營委前鋒叅領現署黃州協
副將明安占督率兵勇竭力抵禦賊始奔回

臣

現在四里廟木卡之前正對賊巢高阜處所安

設營盤先扼其要設營以後賊人未敢前來窺

伺惟於寨外週圍挖掘溝濠將田水放入又於

附近村莊內皆設埋伏以圖我兵深入水田時

四出圍裹

臣

惟有仰遵

聖訓妥爲佈置不肯冒昧輕進亦不敢坐失事機現
督飭兵弁於賊巢近處可以安營之地逐漸移
向寨外河干愈逼愈近看明水田路徑或設法
攻擊或得有繞路可以直搗賊巢卽督率官兵
一鼓而進務期剿除淨盡擒獲首逆再頃接惠
齡咨會以德光所帶兵一千名係派撥榔坪地
方現在長陽等處需兵堵禦應令德光仍帶原

兵一千名飛赴長陽等處援剿查德光帶領之
兵旣已到此紫營未便再行撤動但長陽等處
亦甚緊要因思續調江西兵一千名尙有五百
名未到又安徽兵五百名亦未抵營不日卽可
經過武昌臣已飛飭藩司祖之望卽將此二項
兵一千名星速催趲馳赴長陽一帶交與惠齡
調度以資剿捕奏入

上命軍機大臣傳諭永保曰孝感賊匪在胡家砦屯聚負嵎拒守明亮到彼察看賊巢形勢扼要進逼設法攻擊又據准惠齡咨欲德光仍帶原兵前赴長陽援剿而明亮以德光已在該處紮營未便移動卽將續調未到之江西安徽兵共一千名令赴長陽協剿所見亦是明亮到孝感後布置俱爲合宜而德光前此于惠齡催赴榔坪時因孝感關係

案要並不拘泥卽將所帶之兵全數帶往孝感協
同明亮攻剿尙有見識今伊二人在彼足資辦賊
明亮等惟當卽將賊匪悉數殲除酌量何處最近
卽先移兵援應明安占著卽以該營副前鋒叅領
陞用仍戴本職翎頂署理副將事務如果始終奮
勉打仗出力卽留楚省以叅遊補用

初四日

丁未

福寧奏言查旗鼓寨賊匪恃衆抗拒

臣

於六月十八日親赴各卡查點川省兵將

爲激勵一面密札諸神保慶溥等預備夾擊十

九日五鼓

臣

分兵五路督令副將何元卿等同

時向旗鼓寨進發並令各卡齊放鎗礮遙作聲

援以分賊勢賊人竟敢四出迎拒而賊巢之外

要隘山梁均有小卡兼之坡坎陡削道途叢雜

並於要道挖有深坑濠溝爲死守之計我兵繞

道而進搶占山包拋擲火彈燒燬小卡數處殲
賊殆盡乘勢直前寨內大隊之賊搖旗吶喊各
路均有數千人捨命抵禦我兵奮勇擊殺斃賊
甚多見有白旗搖展賊寨內卽又有多賊續來
接應蜂擁而出臣督率鎮將弁兵鼓勇奮擊時
已酉刻臣將預備乾糧給兵丁等飽餐乘夜擊
剿逆匪抵死迎敵我兵愈殺愈勇賊人漸不能

支並偵知首逆胡正中帶領匪徒潛從山溝小路暗行繞出副將慶溥聞信卽分帶兵勇迅往埋伏突出奮擊當經慶溥率同把總石開富外委蔣吉賢劉洪升龍山縣廩生陳君弼朱宏增等奮勇上前將胡正中並伊母彭氏伊弟胡正連同時拏獲餘賊仍死守巢穴併力抵禦直至二十日中刻適值大雨冰雹山水驟至暫行撤

住此次打仗兩日一夜川楚將弁屯上兵勇人等無不人人用命殺賊不可計數生擒夥賊二十七名臣當提首逆胡正中親自研訊該犯頭面及右腿於被擒時均已受傷應否解京抑或卽在本處臠割以快人心伏候

訓示至胡正中之弟胡正連及其餘所獲各犯訊無要供均已卽行正法伊母彭氏歸於緣坐案內

集三才圖會卷三

辦理傷亡官兵查明咨部卹賞至來鳳教匪於

二月中糾聚滋事到處逼脅此時均歸併旗鼓

寨一處夥賊尙有數萬之多臣與諸神保兩處

之兵不過千餘分布城卡卽孫士毅原帶戰兵

亦僅二千餘名萬山之中早晚瘴霧甚重又兼

時值初伏炎氛甚熾士兵尤不耐暑不得不愛

惜兵力畧予休息卽行進取第思首逆胡正中

既欲潛逃其餘賊人自必咸思逃竄況咸豐宣
恩等處亦有習教匪徒不可不加意防範

臣現

在紅巖堡駐劄其龍山來鳳兩處城卡已飛行
諸神保慶溥在彼晝夜堵禦並令川兵各卡一
體嚴防以免疎虞

福寧又奏言六月初間據龍山縣典史王謙稟
有賊目向清夥賊安定邦攜帶眷屬同時投出